

衲
上
蘇
集



悔餘集句

初
蘇
集

壬戌八月章門刻

序

嗟我與君皆丙子四十九年窮不死非東坡詩乎東坡以文章氣節名一代胸中有萬斛筆氣雖窮安得死乎詩案窮於獄中黨碑窮於海外其去死無幾窮則真窮矣烏知其所以窮正其所以爲不死地耶觀東坡晚年之詩幾於仙矣意其四十九年以後得力於窮者爲尤多吾與悔餘同年皆丙子生明年皆四十九所無媿於東坡者窮耳予之窮不下於悔餘窮而瀕於死則悔餘爲甚予誠不敢望東坡而悔餘殆庶幾焉其於詩無不爲而尤好東坡今取其句之佳

納蘇集

卷上

者裁爲聯語千百而未已牽合之工剪裁之巧殆有過於原本者悔餘以文章鳴以氣節著所以追步東坡自有其不死者在不獨以是見其能然不窮亦必不能爲此此其得力於窮者何如予雖窮不得窮之力并此不能爲則不獨有媿於東坡且有媿於悔餘矣悔餘詩有云丙子生人一例窮卽以窮言亦未可以一例例也悔餘之示我以是編也其將有以攻吾媿乎

同治歲次壬戌年愚弟勤方錡謹序

自序

東坡遷謫海外遂盡和淵明詩而於歸去來辭既襲其文且次其韻既又摭據其字衍爲十詩心摹手追勤勤未已吾不知東坡之意何居也古人有言不見異人當得異書蓋讀其書如見其人并其人之聲容舉止文章議論而亦愛之慕之則而倣之有不自知其所以然者東坡之於淵明猶余之於東坡也才雖異而情則同也壬戌夏五旣釋吉安郡篆當事者不憚復劾罷之宿留於吉者數月孤則思耦病則思醫求所爲接武鹿門希聲鴻寶足以光人鏡而副論衡

衲蘇集

自序

者聞如也夙嗜東坡詩時時尋諷往來於目顛倒於心幾三十年矣今乃專習焉而深味之坐咏行吟恍若接風流而承警欬了不知攘攘爲何時而勞勞爲何事誠哉其移我情也含芳吐穎皆如我所欲言摘艷熏香安得私爲已有摹仿則局於思追和則窘於力視東坡之於淵明情雖同而才則異矣旣乃擬摘句圖學作對法隨手纂錄其得三千餘聯分爲上下兩卷名之曰衲蘇集正如冠玉筭珠天生有耦惟恃水媒月姁介合無差耳引丁妃王挈青儷白東方虬西門豹本是成言雲間陸日下荀莫非勁敵俯拾卽

是如取諸塗挹注不窮搜羅殆盡抑不自知余之勤
勤於此者意又何居也其中意不融洽語不吉祥者
皆去之又以標題勝跡持贈時流五言不足以盡意
故錄七言存之副墨爲暇日飾楹塗壁之助以此美
觀勝椒泥藻漆多矣東坡有云羨君戲集他人詩指
呼市人如使兒又云千章萬句卒非我急走捉君應
已遲余何敢指呼東坡正爲東坡所使耳雖有句無
章然句中自有我在呼之則立應捉之則已迷世有
東坡其以我爲左元放乎世間好句世人共明月自
滿千家墀旣爲東坡之句矣世人安得而共之抑知
才子化身是爲明月古來好句別有圓光月之明人
見之詩之好亦人見之於月共其明於詩共其句是
猶東坡之意也然則是編也以爲東坡之詩也可以
爲非東坡之詩也可

衲蘇集卷上

集東坡先生詩句

後學何忒手纂

著眼細看君勿誤

安排詩律追強對

信手拈得俱天成

誰把前言語化工

夢回拾得吹來句

多才久被天公恠

神妙獨到秋毫顛

憑花說與春風知

未辨報君青玉案

舉鞭拍手笑山簡

不知誰佩紫微壺

高會傳觴似洛濱

從今更踏青州麴

一時付與東巖酒

竟坐誤讀黃庭經

無人肯買北窗眠

衲蘇集

卷上

雄心欲搏南澗虎

更欲洞霄爲隱吏

野性猶同縱壑魚

從今鳥可是詩奴

踞床到處堪吹笛

酒材已遣門生致

縱飲誰能問挈壺

抱甕須防吏部來

青山有約長當戶

烟雲好處無多子

布穀何勞也勸耕

竹石風流各一時

再拜十分爲我壽

雞豚異日爲同社

孤舟一夜許相依

魚鳥依然笑我頑

怪君一身都是德

且向東臯伴王績

讀書萬卷始通神

欲師老圃問樊遲

乃知椰子語不妄
惟有桓譚道必傳
門前萬事不挂眼
頰上三毛自有神
舊因蓴菜求長假
共喜椒花映壽杯
老檜作花真強項
小桃破萼未勝春
閣東九師新得妙
眼高四海空無人

衲蘇集

卷上

回觀佛國青螺髻
誤入仙人碧玉壺
豈知野客青筇杖
更著仙人紫綺裘
千金做帚那堪換
百斛明珠便可扛
童子遙知頌襦袴
先生有意續茶經
靈犀美璞無人識
翠草元芝而地生

獨鶴不須驚夜且
蜜蜂又欲醉先生
近之清潤淪肌骨
襪以嘲諷窮詩騷
水清石出魚可數
城市人歸虎欲行
問禪不契前三語
習氣因君又一言
甕間畢卓防偷酒
詩裏將軍已築壇

風流使者人爭看
錦里先生自笑狂
千金做帚人誰買
一炷清香盡日留
門十朱輪家萬石
屋堆黃金斗量珠
詩翁愛酒常如渴
客子倦游胡不歸
新詩兩幅寄千里
授鉞重來定十連

筆老新詩疑有物

更著綸巾披鶴氅

安心是藥更無方

卻來小邑試牛刀

雲山已作歌猶淺

齊人愛君如子產

靈水先除眼界花

會稽何日乞方回

玉德金聲厲於石

瀟灑謫仙來作郡

明牕大几清無塵

鬱葱佳氣夜充闡

鳳池故事同機務

多情好與風流伴

鳩杖先生愈少年

國色初含卯酒來

肉芝石耳不足數

至今魯公餘乞米

江梅山杏爲誰容

莫從唐舉問封侯

衲蘇集

卷上

其喜鸛鸞歸禁籞

讀破萬卷詩愈美

至今魚龍舞鈞天

行盡千山路轉賒

欲把笙歌暖鋒鏑

長松怪石宜霜鬢

盡將錦繡裏山川

剡藤玉版開雪膚

只有清詩嘲飯顛

還從舊社得心印

更開幽室養丹砂

喜見新橙透甲香

五斗未可秋毫小

欲求公瑾一困米

三徑初成樂事多

好臥元龍百尺樓

謫仙歸侍玉皇案

恨無揚子一區宅

春酒一變甘棠湖

且盡盧仝七椀茶

故人飛上金鑾殿
乘興眞爲玉局游
天風吹灑黃花酒
帑鞬上壽白玉壺
露布朝馳玉關塞
笙歌正擁紫髯翁
落筆已吞雲夢客
披裘共賞玉梅春
百丈深潭數魴鯉
三軍喜氣挾狐貂

柳蘇集

卷上

四

高才本出朝廷右
德意還同漢詔寬
孤雲落日在馬耳
臘糟紅麴寄駝蹄
川平山開林麓斷
車輕馬穩銜轡堅
青衫莫厭百僚底
明月自滿千家墀
無數雲山俱點筆
招呼明月到芳尊

醉飽高眠眞事業
歸休上策早招要
此去澄江三萬頃
猶有閑居二十年
莫把山林笑朝市
坐使城郭生溪灣
待向嵩陽求水竹
同列溫室觀堯黃
定向秋山得佳句
盡驅春色入毫端

未肯將鹽下蓴菜
爲君援筆賦梅花
兆協朋從生喜慶
人皆養子望聰明
明朝知覆誰家甌
獨游還佩平生壺
高才本不緣勛閥
坐嘯猶能出教條
只恐先移北山檄
不妨還作輞川詩

京兆從教思廣漢
醉鄉我欲訪無功
玉芝紫笋生無數
鳳雛驥子日相高
長篇小字遠相寄
社酒寒燈樂未央
九衢燈火禩夢寐
一篇珠玉是生涯
江風初涼睡正美
空翠娛人意自還

衲蘇集

卷上

陶泓不稱管城沐
竹使猶分刺史符
萬里烟波濯紈綺
千章杞梓蔭雲天
故人飛上金鑾殿
天風吹下御爐香
歸家待草凌雲賦
今夜初逢掣筆郎
畫師爭摹雪浪勢
詩人例作水曹郎

暮年欲學柳下惠
贈君無語竹夫人
小詩試擬孟東野
後學過呼韓退之
落筆已吞雲夢客
疊鼓誰操漁陽攄
何人更識嵇中散
伴直難呼孟浩然
回首鶴行有人傑
此身江海寄天游

五

上方行賜尙書寫
北苑傳呼楯桂郎
此生初飲廬山水
明年同泛越溪春
山家爲割千房蜜
海國何勞一葦杭
何人生得窻磬子
他年許綴蓬萊班
夢裏花仙覓奇句
晚來胡蝶入疏簾

尊前俱是蓬萊守
袖中知有錢塘湖
久拋松菊猶細事
其畱杞梓扶明堂
祇應閱過南顏老
不妨仍帶醉鄉侯
吾國舊供雲澤米
此邦宜著玉堂仙
朱弦初識孤桐韻
綠衣倒挂扶桑暎

衲蘇集

卷上

六

明朝便蹋紅塵去
人間有此白玉京
正始風流起頽俗
東坡還往盡幽人
半升僅漉淵明酒
一杯付與羅浮春
劍舞有神通草聖
抱琴無語立斜暉
老非懷土情相得
醉有真鄉我可侯

山下曾逢化松石
袖中忽出具葉書
人生百年如寄耳
意在萬里誰知之
霧帳銀牀初破睡
玉堂金殿要論思
道人絕粒對寒碧
中宵起坐存黃庭
有田不歸如江水
舉族長懸似細腰

多情好事餘習氣
投名入社有新詩
近者戲作凌雲賦
爲子賡歌墮月湖
到處聚觀香案吏
羣仙正草新宮銘
酒醒夢覺起繞樹
閉門隱几坐燒香
此生的有尋山分
他年好作凌雲游

蓬萊宮中花鳥使
武夷溪邊粟粒芽
微官共有田園興
晚歲猶存鐵石心
肝肺槎枒生竹石
口吻排擊含風霜
典衣自種一頃豆
稚子新畦五畝蔬
天山直欲三箭取
玉關不用一丸泥

衲蘇集

卷上

七

幽人自與山有素
老來專以醉爲鄉
杖藜曉入千花塢
扁舟歸釣五湖春
傳家各自聞詩禮
坐嘯猶能出教條
真契當如磁石鐵
舊聲終愛鬱輪袍
與汝作詩傳不朽
知君得酒便相邀

蔣濟謂能來阮籍
蓋公當自過曹參
露浥醉巾香荏苒
笑看銅狄手摩挲
不用鐫碑頌遺愛
已能作賦繼靈光
年來漸識幽居味
歸去先傳樂職詩
幅巾起作鸚鵡舞
曉鼓卻隨鴉鵲興

文字鬱律蛟蛇走
劍鋒新瑩鸚鵡膏
誰知海上詩狂客
宋厭人間醉踏歌
風流自有高人識
露冷遙知范叔寒
清詩不敢私囊篋
明月豈肯畱庭隅
一點黃金鑄秋橘
萬人沙苑看孤飛

口不能言心自省
筆所未到氣已吞
我聞其來喜欲舞
君自不去歸何難
如今且作華陽服
從此不看營邱圖
燭燼已殘終夜刻
緇衣誰作好賢詩
美酒留連三夜月
水光翻動五湖天

納蘇集

卷上

行吟未許窮騷雅
退食誰與同委蛇
玉川何日朝金闕
赤松卻欲參黃梅
花枝不共秋歌帽
臥治何妨晝掩門
靈運子孫俱得鳳
太平典策不緣麟
氣吞餘子無全目
學如富賈在博收

五更曉色來書幌
一夜歸心滿舊山
千歲老根生乳節
十年家火燒凡鉛
樂天早退今安有
陶令思歸久未成
天風吹灑黃花酒
羽扇斜揮白葛巾
遙知愛酒龍山客
應在孤雲落照邊

八

明月來投玉川子
把盞一聽金縷衣
細氈淨几讀文史
坐膝扶牀戲子孫
六翻如雲豈長鍛
兩螯斫雪勸加餐
蒯絳玉具皆外物
金甲牙旗歸故鄉
可憐明月如潑水
時有老泉來喚人

每憐蓴菜下鹽豉
反將木瓜報珍投
汲黯少戇寬饒猛
徐邈狂言孟德疑
巧語屢曾遭惹艾
有花今始信菖蒲
未集驩驅金騾裏
已辦布襪青行纏
更著短簷高屋帽
豈羨玉勒黃金羈

老人心肝小兒舌
曉聽明快夜堂深
買牛但自捐三尺
換馬還應繼二生
萬里烟波濯紈綺
三年京國厭藜蒿
偶攜天上小團月
散作人間萬竅風
忠文文正二大老
視草草元無等差

納蘇集

卷上

九

勸我試求三畝宅
相看會作兩膠仙
天下幾人學杜甫
詩中自合愛陶潛
綺羅勝事齊三閤
竹石風流各一時
少而寡欲顏常好
病不開堂道益尊
東風吹開錦繡谷
春江漲漲葡萄醅

一盞寒泉薦秋菊
萬人空巷鬥新妝
一枕清風夢茗霏
千年鼻祖守關門
繡谷只應花自染
樞具欲與冠爭峩
午醉醒來無一事
狂歌對飲只三人
沂上已成曾點服
溪邊自有舞雩風

淥水翻動蒲萄酒
餘光照我玻璃盃
電睂虎齒霹靂舌
珠簾玉案翡翠屏
蜂爲耕耘花作米
我拍藤床君唱歌
蓬山路遠人難到
詩老囊空一不罾
湯遣鯉魚傳尺素
舊聞老蚌生明珠

衲蘇集

卷上

眞珠爲漿玉爲醴
尺薪如桂米如金
還朝暫接鷓鴣翼
歲晚忽作龍蛇升
幅巾起作鸚鵡舞
執撲仍遭蟣虱緣
新巢語燕還窺研
訟庭生草數開尊
舊事眞成一夢過
新詩說盡萬物情

十

寒心未肯隨春態
眞契久已交前生
靜看月牕盤蜥蜴
勿令嘉穀生蝗螟
畱我同行木上坐
遂令冷看世間人
人生當著幾納屐
少年不願萬戶侯
大木百圍生遠籟
明牕一榻共秋閑

春色豈關吾輩事
俠氣不洗儒生酸
老去怕看新曆日
新年當參老僂儒
入夜更歌金縷曲
此花元屬玉堂仙
此生初飲廬山水
古來惟有謫仙詞
漫將南海金龜膾
快瀉錢塘藥玉船

但遣詩人歌杖柱
強隨舉子踏槐花
願君不廢重九約

好士今無六一賢

暫借垂蓮十分盞

要分清署一壺冰

內朝接武知何日

對月題詩有幾人

恍然一夢瑤臺客

乘興眞爲玉局游

衲蘇集

卷上

新學已皆從許子

老人眞欲住仇池

何人得似蘇司業

平生不識高將軍

旅館孤眠體生栗

皺眉吟詩肩聳山

長史玉斧皆門戶

木公金母相東西

手香新寫法界觀

大草閑臨張伯英

我欲仙山掇瑤草

卻將燕石報瓊華

欲留衣冠挂神武

臥吹簫管到揚州

小詩試擬孟東野

逸書更問濟南生

安心好住王文度

爲謝平生馬少游

左手挂弓橫撚箭

桑枝刺眼麥齊腰

一年好景君須記

萬物欣榮意已開

快馬輕衫來一抹

棄書捐劍學萬人

輕舟弄水買一笑

高堂會食羅千夫

素琴濁酒容一榻

參橫斗轉欲三更

淥水翻動蒲萄酒

貂裘夜走臙脂坡

山人昔與雲俱出
客路相隨月有情

天風吹灑黃花酒
明月正照金叵羅

結習已空花不住

碧玉椀盛紅瑪瑙

歲寒惟有竹相娛

蚯蚓竅作蒼蠅聲

歸作二浙湖山主

吳興太守真好事

飛上千峯紫翠間

泮宮先生非俗儒

吟哦相對忘三伏

不見不聞還是礙

人物他年記一時

此詩此畫誰當看

至今詩筆餘山色

但見香煙橫碧縷

閒對宮花識舊香

更開幽室養丹砂

衲蘇集

卷上

十二

喜見通家賢子弟

南都從事亦學道

最憐嗜酒謫仙人

北方正氣名祛邪

出本無心歸亦好

老境安閑如啖蔗

往雖未及來有年

酒餘歡適似還鄉

坐上一尊雖得滿

穿花踏月飲村酒

作者七人相對閒

撥雪披雲得乳泓

碧瓦朱闌照山谷

瘦竹枯松寫殘月

青蒿黃韭試春盤

小房曲檻敞深紅

欲從抱朴傳家學

大瓢貯月歸春甕

爲愛揚雄作酒箴

薄羅勻霧蓋新粧

吳儂生長湖山曲
陳植才華斗石高
且與揚雄說奇字
莫從唐舉問封侯
會看飛仙虎頭篋
忽驚午盞兔毛斑
又欲往釣七里灘
未暇遠尋三朵花
庭下已生書帶草
水中倒臥玉浮圖

衲蘇集

卷上

春秋古史乃家法
醞釀老夫成摺紳
憑仗幽人收艾納
爲我佳處畱茅庵
故應賸作詩千首
空有載行書五車
臥枕綸巾酒新漉
打徹涼州花自開
餘事後來當潤色
主恩未報恥歸田

拄杖敲門看修竹
煮芹燒笋餉春耕
百謫終爲賢太守
一杯當屬水仙王
從來祇識陳驚坐
不將空擬鮑參軍
我今官已六百石
逝將歸休入節灘
與子一洗尋常債
適意不異逍遙游

十三

筆頭一落三千字
組練長驅十萬夫
願君且住三千歲
往事回思二十年
便同月下三人飲
自撥床頭一甕雲
遙知魯國真男子
家有世南行祕書
半升僅漉淵明酒
一庵閒臥洞霄宮

臨風飽食得甘寢
賀雨詩成卽諫書
豈第君子神所予
積累當年慶自鍾
天風吹灑黃花酒
皓鶴下浴紅荷湖
五畝漸成終老計
百年俱是可憐人
旋呼歌舞襍諧笑
未厭山水相縈紆

納蘇集

卷上

一朝得見暴公子
十年空看輞川圖
天寒日短銀燈續
投壺雅歌清燕開
時平亦出隄公子
今世有此古丈夫
平生所樂在吳會
俗緣未盡餘伊臯
歸來晚歲同元亮
出處依稀似樂天

十四

學道有涯真可喜
無言對客本非禪
季子來歸初可喜
書生結習未能無
有路難行不如醉
出門無侶漫看書
來試點茶三昧手
臥看縈簾一炷香
山家爲割千房蜜
襪被真成一宿賓

乃使駮驥隨蹇步
仰看鴻鵠刺天飛
更遣楚得出奇句
應惟中郎得異書
顧我小詩如點纈
祝君眉壽似增川
孟賈子路併爲一
魏徵封倫恨不雙
空腸得酒苾芻出
小風吹水碧鱗開

故知前輩宗徐庾
更作新詩繼永和
坐觀邸報談迂叟
每到平山憶醉翁
里人下道避鳩杖
壽尊餘瀝到朋簪
縣令若同倉庾氏
政聲直入明光宮
強寫蒼厓留歲月
君爲赤令有古風

衲蘇集

卷上

無弦且寄陶令意
醉倒不覺吳兒吟
高才本出朝廷右
行樂詩成拜舞中
歸來晚歲同元亮
夜就寒光讀楚辭
玉芝紫笋生無數
絳闕雲臺摠有名
怪君一身都是德
我生百事常隨緣

十五

分光御燭星辰爛
莫放高樓雪月閑
恨無揚子一區宅
卻愛韋郎五字詩
繫馬綠楊開口笑
倚山修竹有人家
鍾乳金釵人似玉
鷗弦鐵撥響如雷
白魚赤蟹箸屢下
碧畦黃隴稻如京

題詩送酒君勿諄
孰讀深思子自知
千里論交一言足
妙齡馳譽百夫雄
白魚赤兔駢皇輶
金羈玉勒繡羅鞍
豪氣正與潮爭怒
俗駕今隨水不回
強飲且爲山作主
小坡今與石傳神

近者作堂名醉墨
令君小夢生春紅
後來視今由視昔
若人如馬亦如班
乞取牟尼照濁水
祇有彌勒爲同龕
舊因葦菜求長假
要與梅花作伴來
試碾露芽烹白雪
直教霜楫放春妍

衲蘇集

卷上

十六

多情好與風流伴

玉骨猶寒富貴餘

今年還看去年月

樂府應歌相府蓮

暫借官奴遣吹笛

更教天女爲磨鉛

龍眠獨識殷勤處

蘇子亦是支離人

南屏老宿閒相過

東坡先生亦可憐

多謝清時屢推轂

自憐白首尙抄書

閉門試草三千牘

詩律輸君一百籌

佳本盡從方外得

老狂聊作坐中先

要知西掖承平事

也著東坡病瘦身

大宛立仗朱絲鞵

上黨攙天碧玉環

白足赤髭迎我笑
仙幢寶蓋拂天來
主人日飲三千客
住世因循五百年
瑤井玉繩相對曉
江梅山杏爲誰容
不寐相看惟攄馬
生涯到處似檣烏
不見便同千里遠
從公已覺十年遲

日炙風吹面如墨
皺眉吟詩肩聳山
遙知千騎出清曉
坐視萬物皆浮埃
自憐太史牛馬走
且作人間鵬鷄游
名字於今挂仙籙
文章還復富波瀾
要使名駒試千里
同駕飛鴻跨九州

衲蘇集

卷上

賣劍買牛真欲老
野花啼鳥亦欣然
穿竹鳥聲驚步武
薰爐沈水度衣篝
水師絕叫鳧雁起
綫路每與猿猴爭
詔恩尙許歸田里
獨立自可當雷霆
故人如故今有幾
謫仙非謫乃其游

千金做帚那堪換
百尺蒼厓尙可磨
忽憶釣臺歸洗耳
時有野人來挽鬚
占斷此山長洗耳
豈知江月解分身
近聞陶令開三徑
來與彌陀共一龕
新年已賜黃封酒
父老爭看烏角巾

十七

天山直欲三箭取
截髮願作萬騎先
松風瀑布已清絕
官梅詩興故依然
不禱自安緣壽骨
相逢有味是偷閑
微音淡弄忽變轉
回峯亂嶂鬱參差
寄食方將依白足
悟道不復誦黃庭

高蹤已自躡漁釣
篤愛不復相疵瑕
萬戶春風爲子壽
半瓶濁酒待君溫
快馬輕衫來一抹
葛巾羽扇揮三軍
海澗山高百程送
雲幢煙節十洲人
獨立千載誰與友
撥棄萬事勿復談

少負清名晚方用
酒無多少醉爲期
著書多暇真良計
妙意有在終無言
得句會應緣竹鶴
一官久已輕蓴鱸
身輕可試雲間鳳
陣勢頗學常山蛇
此語常聞退之說
褰裳一和快哉謠

衲蘇集

卷上

十八

萬古斯文齊响嘯
千載筆法畱陽冰
青卍雲夢古所咤
玉環飛燕誰敢憎
璿璣已正三階泰
桑柘聊同十畝閑
讀書要在存心久
力耕不受眾目憐
五日一見黃雞粥
萬里初來船趁風

子雲寒悴羊欣儻
畢卓竊盜劉伶顛
笑捐浮利一雞肋
喚取吾家雙鳳槽
老蠶作繭何時脫
倦鳥知還豈是休
喜氣到君浮白裏
遨頭要及浣花前
獨來坐嘯溪山上
春在先生杖履中

無事不妨長好飲
此生何止畧知津
昨夢已論三世事
放懷聊喜一尊同
別後新詩巧摹寫
古來靜治得清閑
不羨千金買歌舞
欲尋萬壑看交流
偶逢蜀叟談終日
未識魯山空此生

納蘇集

卷上

十九

猶勝江左狂靈運
獨照台州老鄭虔
舊書不厭百回讀
尊酒今應一笑開
杖策頻過知未厭
得錢沽酒更無疑
榻來東觀弄丹墨
手開西閣坐虛明
倚天照海花無數
水漬雲蒸蘚未乾

行樂及時雖有酒
安心是藥更無方
去無所逐來無戀
月自當空水自流
讀破萬卷詩愈美
朝作千篇日未晡
見賢不薦誰當恥
此詩有味君勿傳
近之清潤淪肌骨
論極冰霜繞齒牙

木瓜屢費瑤瑤重
征馬未解風帆張
十年閉戶樂幽獨
三田聚寶真生涯
踞床到處堪吹笛
幅巾他日容登堂
三年弭節江湖上
兩郡風流水石間
萬事會須咨伯始
一班我亦愧真長

尙書清節衣冠後
吏部文章日月光
四朝耆舊冰霜後
萬里歸來卜築初
他日歸朝同此拜
使君畱意在斯民
故應竊比山中相
何時歸耕江上田
端向甕間尋吏部
定應床下拜梁松

衲蘇集

卷上

二十

鹿門佳士勤相贈
鳩杖先生愈少年
詩人雕刻閑草木
筆勢彷彿離騷經
樂天長短三千首
住世因循五百年
每見便聞曹植句
狂言屢發次公醒
勝概直應吟不盡
老來專以醉爲鄉

尊前白酒傾雲液
澗底松根斲雪腴
便與甘棠同不翦
當時明月巧相隨
好去江魚煮江水
從來佳茗似佳人
伸翁一笑豈易得
折臂三公未可知
書空漸覺新詩健
飽食未厭山蔬甘

清篇帶月來霜夜
小園除雪得春蔬
雍容已饜天庖賜
飲啄不羨山梁雌
此外知心更誰是
歸來閉口不論功
詩書與我爲麴蘖
俯仰隨人如桔槔
誰道茅檐劣容膝
他年長劍拄君顛

閑吟繞屋扶疏句
且作凌雲合抱看
能遣荆棘化堂宇
肯與蒲萄壓酒漿
刺史迎門倒皂烏
何人得雋窺魚砭
舞鳳尙從天目下
越山渾在浪花中
秋來定有豐年喜
此去眞爲田舍翁

衲蘇集

卷上

三十一

渥注故自千里足
濠梁空復五車多
邇來又見三黜柳
偶然相值兩浮萍
此生會見三雍就
共惜相從一寸陰
我如此水千山底
莫作天涯萬里心
相如雖老猶能賦
玉式當年本不來

手香新寫法界觀
背癢卻得仙爪爬
無弦且寄陶令意
此話要將周易論
燈燼不挑垂暗蕊
月明時下浴晴波
賴有高樓能聚遠
不如春甕自生香
空有千篇凌鮑謝
欲求五畝寄樵蘇

君家兩行十二字
握手一笑三十年
晴牕曠日肝腸煖
筠籃擷翠爪甲香
結交最晚情獨厚
車騎雖少賓殊嘉
坐費千金買消渴
往看萬壑爭交流
獨立千載誰與友
化爲兩鳥鳴相酬

三策已應思賈讓
一班我亦媿真長
我懷汝陰六一老
氣壓鄴侯三萬籤
醉眼有花書字大
冷官無事屋廬深
宣勸不辭金盃側
使君爲作玉箏歌
百年人事知幾變
萬劫清游結此因

落筆縱橫盤走永

把酒坐看珠跳盆
繞郭荷花一千頃
我家韋布三百年
讀徧牙籤三萬軸
坐想蓬山二十秋
初冠惠文讀城且
其扈翠輦朝宣光
多才久被天公怪
菜把仍叨地主恩

衲蘇集

卷上

三十一

有子才如不羈馬
爲公分作無盡燈
畏我放言時被肘
感子佳意能無酬
碧瓦朱闌照山谷
落花飛絮滿衣襟
雕不加文磨不瑩
修其可見致其幽
平生能著幾緼屐
歸來還受一大錢

大宛立仗朱絲鞵

清江縈山碧玉環
劍在床頭杯在手
壺中春色飲中仙
倚天照海花無數
身閒心遠地偏幽
平生慣寫龍鳳質
謝病行收麋鹿姿
犀首正緣無事飲
孝章要是有人人

詩成畫燭飄金燼
飲竭東海生黃埃
何當閉門飲美酒
自應給札奏新書
醉後劇談猶激烈
床頭禩說爲爬梳
萬牛不來難自獻
一馬却避長鳴嘶
不如王江長飲酒
賢哉仲氏早拂衣

衲蘇集

卷上

露布朝馳玉關塞
貂裘夜走臙脂坡
白鬚相對松間鶴
燈花已綴釵頭蟲
下界何人也吹笛
涼月今宵肯挂簷
青瑯已吞雲夢芥
綠衣倒挂扶桑暎
鼓吹未容迎五馬
木生不願回萬牛

強寫蒼崖留歲月
劈開翠峽走雲雷
蛾眉勸酒聊爾耳
馬上操筆爲賦之
長江繞郭知魚美
小軒臨水爲花開
玉室金堂餘漢士
孤雲落日是長安
人不我知斯我貴
一聞君語識君心

二十三

清談美景雙奇絕
海山兜率兩茫然
衆裏笙竽誰比數
世間羅綺紛羶腥
十年髀肉磨欲透
萬卷堆胸兀相撐
芳草不鋤當戶長
明月未出羣山高
千鐙夜作魚龍變
萬人爭看火城還

公業有田常乏食
陶潛無酒亦從人
趙子吟詩如潑水
廣文好客竟無氈
紅杏碧桃香覆髻
燕舞鶯啼空斷腸
若見孟公投轄飲
空餘仲御扣河章
未許相如還蜀道
應笑山公醉習園

衲蘇集

卷上

二十四

兩寺裝成寶瓔珞
百金歸買碧玲瓏
多情好事餘習氣
千變萬化皆天機
杖策頻過知未厭
草書非學聊自娛
只知紫綬三公貴
莫負黃花九日期
老去山林徒夢想
睡餘齒頰帶茶香

煩公更置奩腳酒
一飽且救饑腸鳴
褰衣步月踏花影
買羊沽酒謝玉川
行避門生時小飲
忽逢佳士與名山
故應營蒯知心腹
坐受塵土堆胷腸
詩人猛士襍龍虎
聳踊滑汰如鳧鷖

尙愛此山看不足
知有去路尋無緣
共喜鸚鵡歸禁籞
欣然雞犬識新豐
孤舟夜榜鴛鴦起
二年流落鼃魚鄉
東風搖波舞淨綠
小房曲檻敞深紅
三山屏擁僧舍小
萬里春隨逐客來

曾見四山朝鶴駕
笑我一生蹋牛犁
道人修道要底物
謫仙非謫乃其游
金壘浮菊催開宴
玉盆沈李灑清泉
先生索居江海上
處士風流水石間
收拾小山藏社甕
安排春事滿幽闌

衲蘇集

卷上

二五

圯上從來一編足
杖端閑挂百錢游
得與仙兄躡飛鞚
試教天女爲磨鉛
庭下已生書帶草
石上自有尊罍窪
錦袍錯落差相稱
野鶴昂藏未是仙
定心肯爲微物起
傑句尤覺清詩孱

東方先生好自譽
南都從事莫羞貧
老去上書還北闕
誦師佳句說南屏
穿雲但覺衣裘重
杖藜欲趁飛猿輕
王孫本自有仙骨
董生端合是前身
殺雞未肯邀子路
問羊何日到金華

崎嶇世路嘗應徧
貪戀君恩退未能
一枕清風萬錢值
萬人如海一身藏
會與江山成故事
故應客主盡詩人
出入巖巒千仞表
流落江湖萬里歸
欲吐狂言喙三尺
誰信家書藏九千

三年弭節江湖上
尙父提封海岱間
風流別乘多才思
方丈仙人出淼茫
三山舊是神仙地
萬象入我牟尼珠
聞道吹噓借餘論
敢以耳目煩神功
規模簡古人爭看
肝膽清新冷不邪

衲蘇集

卷上

老楮忽生黃耳菌
小臣願對紫微花
妙語應須得山骨
餘波猶足挂天紳
聞道郎君閉東閣
勸將淨業種西方
終勝嵇康羨王烈
恰如通德伴伶元
少卿尙有車茵在
右輔今還鼓角雄

多取清名幾熊掌
問誰遣化老龍眠
鳴綠波翻鳳凰影
蚯蚓竅出蒼蠅聲
空腸得酒芒角出
歌聲落谷秋風長
老去上書還北闕
誰能斗酒博西涼
更煩赤腳長鬚老
豈羨玉勒黃金羈

二十六

桑下豈無三宿戀
囊中未有一錢看
青山有約常當戶
舊雨來人不到門
但持白酒勸佳客
剛厭青山繞故居
學道有涯真可喜
卜居相近豈舜遷
疲民尙作魚尾赤
父老爭看烏角巾

只因養得能言鴨
此去還須卻佩牛
先生未出禁酒國
終身不入無功鄉
不學劉伶獨自飲
須信淵明未若賢
寒酸可笑分一斗
推擠不去已三年
彼徒辛苦吾差樂
君且歸休我欲眠

衲蘇集

卷上

二十七

路人行歌居人樂
言中猷謀行中經
別來十年學不厭
眼高四海空無人
多情明月邀君共
無主荷花到處開
詩書與我爲麴蘖
禮樂方將訪石泉
不知梨棗何時種
只有芙蓉獨自芳

無事會須成好飲
此生應坐不歸田
此事何殊食雞肋
春來相與護龍鱗
誰能忍饑啖仙藥
有似不飲觀酒狂
雙貌蟠礎龍纏棟
新蒲出水柳映洲
今年還看去年月
一更相過三更歸

毘耶居士談空處
雲水光中洗眼來
適從瓊管魚龍窟
又入春山笋蕨鄉
西方真人誰所見
東坡先生亦可憐
且待淵明賦歸去
不如東野以詩鳴
自爲天仙足官府
豈惟濁世隱狂奴

袖手莫輕真將種

昨夜清風眠北牖

灰心聊伴小乘禪

明年獻頌請東巡

庭下已生書帶草

報國無成空白首

玉中自有辟邪香

此行閱看古黃腫

此夜新聲聽北里

百丈深潭數魴鯉

且容老子上南樓

十年春雨養鬚龍

若得與君連北巷

千里農桑歌子產

便應從我老東坡

一經通明傳節侯

故應贖作詩千首

至人無心何厚薄

乞與佯狂老萬回

小儒底處覓窮通

衲蘇集

卷上

夢幻去來殊未已

嗜好酸醜不相入

身心顛倒不自知

夢幻去來隨所遭

待向三茅乞靈雨

相逢一醉豈有命

臥聞百舌呼春風

不遠千里從我游

傲袍霜葉空殘綠

千首放懷風月裏

活火深甌淺焙紅

百年暗盡往來中

囊簡久藏科斗字

每向銅人話疇昔

芒鞋不踏利名場

故留瓊館在凡間

東海桑田真且暮

參軍新婦賢相敵

仇池玉色自璵璠

造化小兒如子何

困眠一榻香凝帳
夢吞三篆舊通靈
半日偷閑歌嘯裏
此身同寄水雲間
千首放懷風月裏
十年俯仰龍旗前
南來寂寞君歸矣
海山葱蘢氣佳哉
桃花春漲孤舟起
野老蒼顏一笑溫

納蘇集

卷上

三十九

願君淨掃清香閣
更望重新畫舫齋
知君好事家有酒
一生喙硬眼無人
太白猶逃水仙洞
碧香近出帝子家
酒材已遣門生致
明月不許幽人攀
世事飽諳思縮手
使君風味好攢脰

欲將大白追餘賞
不放閑花得少休
天寒正好深藏手
雲泉勸我早抽身
詩句對君難出手
瘦生應爲語雕肝
過我三間小池閣
坐看百物自炎涼
臨事迂濶乃過我
此身通脫屢醜顏

君當置酒我當賀
鳥能歌舞花能言
生事只看長柄械
退歸擬學舊桃符
長腰尙載撐腸米
京口新傳作客經
兩眼猶能識細字
壯心應未逐流年
永舜角上兩蠻觸
默數淮中十往來

詩句對君難出手
曲音小誤已回頭
身閑曷不長閉口
瘦生應爲語雕肝
千歲老根生乳節
十年春雨養髯龍
便從洛社休官去
要與梅花作伴來
聞道名城得真將
羨君平地作飛仙

衲蘇集

卷上

我今心似一潭月
自疑身是五通仙
須防額癢出三耳
反更對飲持雙螯
老檜作花真強項
訟庭生草數開尊
古琴澶罷風吹坐
筆陣空來夜斫營
趙叟近聞還印綬
倪生枉欲帶經鋤

結習已空從著袂
海棠雖好不吟詩
我欲歸休君未可
眼看時事力難勝
知君也厭雕肝腎
瘦俗何由辨頸顛
午臆睡起人初靜
解組歸來道益光
散盡黃金猶愛客
自憐白首尙抄書

二十一

天公與我兩厭事
叔夜自知七不堪
大江東流日千里
蒲柳翦然城一隈
散步逍遙自捫腹
諸孫歡笑爭挽鬚
臺閣山林本無異
魚鳥江湖只自知
竹露無聲浩如瀉
井華入腹清而瞰

願儲醫國三年艾
來趁西風十幅蒲
三仕何曾知愠喜
羣鳥未可辨雌雄
坐想蟋蟀空房語
更看龍蛇落筆痕
何處青山不堪老
當年大白此相浮
白砂碧玉味方永
鳳雛驥子日相高

納蘇集

卷上

玉函寶方何用讀
新詩美酒聊相溫
苾鞋竹杖自輕粟
棗林桑野相邀迎
靈犀美璞無人識
竹杖苾鞋取次行
綠棹紅船舞澎湃
白蓮翠竹依崔嵬
對月酣歌美清夜
賣薪買酒看昇平

至人無心何厚薄
清境過眼能須臾
過眼終迷日五色
此身將老蠶三眠
叩門但喚王居士
腰笏不煩何易于
始有心情問絲竹
至今歸計負雲山
玉牀丹鑿記分我
髮澤膚光自鑑人

三五

褰衣步月踏花影
撥雪披雲得乳泓
細履幽畦擷芳辣
入簾花影落杯盤
龍井白泉甘勝乳
鷓鴣鐵撥坐生風
鷓吟醉舞知無益
累盡身輕志莫違
玉蕊檀心兩奇絕
朱柑綠橘半甜時

落筆已吞雲夢客
披衣閒咏舞雩風
碧瓦朱闌照山谷
銅環玉鎖鳴春雷
朱闌碧井開瑠戶
青葢紅旂映玉山
行吟坐咏皆自見
窮多門險誰先通
小窗虛幌相嫵媚
名章俊語紛交衡

納蘇集

卷上

蒲鞵松床亦香滑
金鞭玉鐙相廻旋
清詩獨吟還自和
書生習氣未能無
露葉霜枝翦寒碧
青蒿黃韭試春盤
沈蘇寶蓋窺霽宇
新詩小草落元泉
五畝漸成終老計
萬人爭看謫仙來

交柯亂葉動無數
荳草幽花各自春
嘗茶看畫亦不惡
得錢沽酒更無疑
內朝接武知何日
盛事傳家有素風
永與名山供井甃
要傳流水入絲桐
花開酒美曷不醉
種樹穿池亦漫忙

三十二

神機巧思無所發
吟詩寫字有底忙
麤言細語都不擇
寸田尺宅今誰耕
爭新買寵各出意
投章獻策謾多談
仙山一見五色羽
異事驚倒百歲翁
高巖夜吐金碧氣
滿座疑聞錦繡香

老楮忽生黃耳菌
水禽驚落翠毛衣
鶴髮初生千萬壽
清尊猶許再三開
糟麴有神熏不醉
溪山愈好意無厭
老檜作花真強項
白雲出山初無心
明月常圓無晦朔
此泉何處覓寒溫

衲蘇集

卷上

三十三

萬里紅波半天赤
五老蒼顏一笑開
亂山滴翠衣裘重
金谷敲冰草木春
爲君坐嘯主畫諾
但愁無蟹有監州
兩翁相對清如鶴
直視無前氣吐虹
安心欲捉左元放
有人夜呼祁孔賓

心無天游室不空
腹有詩書氣自華
喜氣到君浮白裏
歸心要及菊花前
寄食方將依白足
倦游憐我憶黃封
花如識面香仍在
山向吾曹分外青
海螯要共詩人把
麴蘖未必高士憐
睂如長松眼如漆
苦有風雷筆有神
勤勞至大不矜伐
消磨未盡祇風情
桑下豈無三宿戀
筆端還有五湖心
空腸得酒芒角出
安眠無夢雨聲新
宦游直送江入海
官曹似是錫與銅

石建方欣洗踰廁
君平且莫下簾帷
萬事思量都是錯
五行勝已斯爲官
坐使高堂生暖熱
故將詩律變寒暄
萬里烟波濯純綺
三年飲食窮芳鮮
讀書莫學流麥士
跌坐一醉扶桑暎

衲蘇集

卷上

有才不用今老矣
到處相逢是偶然
自言官長如靈運
猶記庚寅降屈原
八法舊聞宗長史
雜篇眞欲擬湯休
入夜更歌金縷曲
此邦宜著玉堂仙
游舫已裝吳榜穩
仙衣不用剪刀裁

莫倚馬蹄如踣鐵
更煩鶯舌奏鏗鏘
臥聽風鸞鳴鐵鳳
欲將燒燕出潛蚪
詩人猛士襍龍虎
撞鐘擊鼓喧朝晡
何似秦郎妙天下
不作太白夢日邊
行當投劾謝簪組
便于禪坐作跏趺

三十四

舊游似夢徒能說
萬事如花不可期
釀酒閉門閑社齋
塞江流柿起書樓
新詩綺語亦安用
老圃閒談未易欺
十里長亭聞鼓角
一簪華髮岸綸巾
長廊靜院燈如月
引杯看劍坐生風

三年弭節江湖上
萬里歸來卜築初
造物應須日千變
覓句近窺詩一班
萬人鼓舞千人看
我作水衡君作丞
花時千圃堆紅錦
世間萬事寄黃梁
欲飲三堂無事酒
仍呼我輩不羈人

衲蘇集

卷上

官如草木吾如土
馬入塵埃鶴入籠
白魚紫蟹君須憶
芋魁豆飯吾豈無
試問高吟三十韻
惟餘舊書一百車
坐看士衡執別手
笑問伯松何苦心
要當啖公八百里
何如低唱兩三盃

去無所逐來無戀
才者不閑拙者娛
舟人水鳥兩同夢
輕裘細馬百不知
落霞孤鶩供千里
馬跡車輪滿四方
火急著書千古事
天教我輩一尊同
未信犀首終無事
誰知虎頭非癡人

三十五

但得低頭拜東野
未應舉臂辭盧敖
自笑塵勞餘一念
未容春睡敵千鍾
兩篇玉蕊塵初滌
半額蛾眉世所妍
青雲豈易量他日
白羽猶能效一揮
願儲醫國三年艾
待賜頭綱八餅茶

百首共成山上集

船上看山如走馬

四方同此水中天

雲間細路躡飛蛇

勸君且吸杯中月

詩酒淋漓出狂恠

許我時逃醉後禪

醉夢顛倒隨盲聾

江上青山三百疊

當時醉臥動千日

牕前修竹一尺圍

欲伴騷人賦百篇

尙有清才對風月

閑看書冊應多味

便同爾雅注蟲魚

喜入燈花欲鬪妍

治狀兩邦俱第二

有魚無魚何足道

黃童三尺世無雙

以馬喻馬亦成癡

衲蘇集

卷上

三十六

薑新鹽少茶初熟

一天月色爲誰好

簾卷牕穿戶不扃

萬劫清游結此因

跪履數從圮上老

一川秀色明花柳

捷書夜到甘泉宮

兩首新詩爭劍鏃

東里近開松菊徑

而今只有花含笑

臥樹獨秀枕椰園

老可能爲竹寫真

何人吹斷參差竹

與君相從非一日

無奈能開頃刻花

此生有味在三餘

醉吟不耐欹紗帽

熱酒澆腸氣先壓

俗儉眞堪著腐儒

春風入髓散無聲

睽離動作三年計
尊酒今應一笑開
趙叟近聞還印綬
武陵豈必皆神仙
世間那有揚州鶴
門前欲覩御史驄
金鼎丹成龍亦化
新郎君去馬如飛
更煩赤腳長鬚老
但愛齋厨法政香

我自懷私欣所便
不將新句紀茲游
一色杏花三十里
淨掃清風五百間
山僧漸覺菩提長
林下閒尋蕈撥苗
勸我試求三畝宅
爲君鑄作百鍊刀
羸童瘦馬從吾飲
白髮青衫笑我曹

衲蘇集

卷上

三七

高士例須憐麴蘖
竺翁先已返林泉
居士與我蓋同耳
上書求免亦何哉
謳吟思歸出無計
唱酬往復字應漫
數絃已品龍香撥
千金買斷顧渚春
稽首願師憐久客
將心到處遣人安

釀酒閉門開社甕
新聲妙語慰華顛
我夢扁舟入吳越
試教舞袖掣伊涼
安能終老塵土下
意欲置我山巖中
苦筍江豚那忍說
菹羹羊酪不須許
買田築室從今始
陋巷何人似子賢

因君寄與雙龍餅
爲余吹散千峯雲
老人心似雙龍井
遣客來尋百結花
山翁醉後鐵冠落
麥隴風來餅餌香
我亦從來識英物
乃以所見疑古人
誰憐寂寞高常侍
獨憶平生盛孝章

衲菴集

卷上

三六

鹿頭北望應逢鴈
江水西來亦帶岷
不見不聞還是礙
非人非鬼意其仙
畫圖未識先生面
刀尺自有佳人能
相娛北戶江千頃
真有人家水半扉
示病維摩原不病
聞思大士應已聞

安心好住王文度
畏見問事賈長頭
當日無人送臨賀
小兒愛君如魯恭
一日小沸魚吐沫
半夜清香荔惹衾
駐景恨無千歲藥
騷人長負一秋悲
趙子吟詩如潑水
顏公食粥敢言炊

鏡空一照雙龍影
雪樹兩摘南枝花
夜來春睡濃於酒
近覺先生不作詩
一夜東風吹石裂
三千強弩射潮低
風動槐龍舞交翠
雨餘闌檻上蝸牛
空巖已禮百千相
明月誰分上下池

觀君崛鬱負奇表
代我問答多雄篇
人言摩詰是前世
來與彌陀共一龕
此老初來百神仰
放懷遣喜一尊同
時平亦出佳公子
天上豈有癡仙人
小詩試擬孟東野
晚年更似杜陵翁

衲蘇集

卷上

三九

書似西臺差少肉
事如春夢了無痕
白酒已盡誰能借
青山許我定相從
趨時肯負平生志
得路方知異日心
兩翁相對清如鶴
輕身只欲化爲鳧
亦知洞府嘲輕脫
尚有詩賦饒堅頑

墨翻衫袖吾方醉
筆落鍾王硯不知
夜逢怪石曾飲羽
風捲飛花自入帷
眼明小閣浮煙翠
洗淨鉛華見雪肌
聞道一村惟兩姓
何用百頃糜千金
我欲贏糧往問道
故遣啄木先敲門

風吹石髓堅如鐵
夢繞千巖冷逼身
解襟顧影各箕踞
折花臨水更徘徊
別後新詩巧摹寫
江干高居堅關扃
只慙無補絲毫事
安得獨從逍遙君
功名富貴皆逆旅
俯仰東西閱數州

得火銅瓶如過雨
閉門高節欲生鱗
不比狂花生客慧
故將墨竹換新詩
玉羽瓊枝鬥清好
蓬婆雪嶺考彫鏤
蓬萊方丈應不遠
天女維摩總解禪
龍章鳳姿照魚鳥
月谷雲斤琢肺肝

衲蘇集

卷上

桂觀飛樓凌霧起
翠草元芝匝地生
欲就左慈求拄杖
倘容逸少問金堂
誤隨弓旌落塵土
便合劍佩趨明光
誰憐寂寞高常侍
記取孤吟孟浩然
王孫辦作元真子
使君疑是鄭康成

四

記與嵇康畱石髓
欲從稚川隱羅浮
霧帳銀牀初破睡
風巖水穴舊聞名
囊簡入藏蝌蚪字
詩壇欲斂鸛鵝軍
裂碧跳青出魚背
挂簾低戶映蛾眉
奉引拾遺叨侍從
簿書期會得餘閒

看畫題詩雙鶴鬢
聯鑣接武兩長身
當日無人送臨賀
諸生猶自畏何蕃
茅屋擬歸田二頃
家書新報橘千頭
平生傾蓋悲歡裏
來往君家伯仲間
奉親官舍當有擇
得錢沽酒更無疑

溪山勝畫徒能說
鄉井難忘尙有心
平生學問只流俗
散人出入無町畦
毘陵高山錫爲骨
烏府先生鐵作肝
說靜故知猶有動
無全何處更相虧
夙駕入朝常正色
小庵高臥有餘清

每憐尊菜下鹽豉
誰見梅花落鏡臺
供奉清班非老處
文章爾雅稱吾宗
卷卻天機雲錦段
掃殘雞距紫毫芒
昨夜清風眠北牖
他年故事記南徐
殷勤稽首維摩詰
慙愧當年邴曼容

衲蘇集

卷上

四十一

不知誰作蛟龍吼
而今人在鳳麟洲
彈指未終千偈了
放懷還喜一尊同
鯤鵬水擊三千里
老李威名八十年
白雲舊有終老約
明月未許幽人攀
詩書與我爲翹藁
文章自足欺盲聾

兩眼猶能識細字
一麾從此首歸塗
去無所逐來無戀
修好可見致其幽
潤益何須待東里
白頭重見賦南山
空聞韋叟一經在
懶作燕山萬里行
今年還看去年月
涉江同采秋江荷

况我官居似蓬島
更應到處覓菟裘
舉世皆同吾獨異
此事今無古或聞
小詩屢欲書窗紙
起舞何妨落酒船
都人蹋破鏡門眼
鈍根仍落箭鋒機
老蠶作繭何時脫
倦鳥孤飛豈有期

衲蘇集

卷上

四十二

人似秋鴻來有信
寺藏修竹不知門
無脛金丹來入腹
腰間玉具高挂願
山人帳空猿鶴怨
陌上花開蝴蝶飛
醉呼妙舞留連夜
一看郊原浩蕩春
肉芝烹熟石芝老
蟹眼乍過魚眼生

清詩爲洗心源濁
神妙獨到秋毫顛
錦衣他日千人看
詩句明朝萬口傳
對牀欲作連夜語
投紼歸來萬事輕
舉頭看山笏拄頰
掩關晝臥客書裙
此老初來百神仰
從公已覺十年遲

雪乳已翻煎處脚
夜寒應竦作詩肩
刺史不須邀半道
吾儕相對又三人
三犀竊鄙秦太守
一帖空存老遂良
論詩說劍俱第一
此書非我誰能雙
五百年間異人出
三千強弩射潮低

窮途正似不龜手
新妝漸畫入時眉
我老不堪歌樂職
酒酣聊復說平生
香山居士留遺跡
黃庭真人舞胎仙
試著芒鞋穿犂确
獨憑闌檻倚崔巍
春色豈關吾輩事
歸來始識歲寒人

衲蘇集

卷上

四十三

老子從來興不淺
悠哉時到物之初
沽酒獨教陶令醉
著鞭從使祖生先
雲山已作歌眉淺
明月聊隨屋角方
萬戶春風爲子壽
一犁烟雨伴公歸
語帶烟霞從古少
詩成珠玉着朝還

老去獨收人所棄
多才終恐世相縻
險韻不量吾所及
刻畫始信天有功
萬人鼓舞千人看
五日占雲十日風
花間置酒清香發
月下吹簫獨自歸
老手生風謝刀筆
眼光如電走金蛇
紙落烟雲供醉後
氣含蔬笋到公無
老手生風謝刀筆
回尊落日勸湖山
我生百事不挂眼
僧臥一庵初白頭
到後與君開北戶
朝來拄笏看西山
再拜十分爲我壽
百錢一斗濃無聲

名高不朽終安用
身與時違合退耕
閉戶莫教風掃地
招詞獨詠桂生叢
自種黃桑三百尺
可憐白苧一生酸
露葉霜枝剪寒碧
小房曲檻欹深紅
爲君劇飲幾瀟首
借我一庵聊洗心

平生所向無一遂

身世何緣得兩忘
樂天早退今安有
遽瑗知非我所師
竹間對語雙鸚鵡
談笑可卻千熊羆
清唱一聲巖谷滿
炊裂十字璠肌香
試掃北臺看馬耳
笑厲東海騎鯨魚

衲蘇集

卷上

四十四

惟有飛來雙白鷺
如今化作兩蒼龍
魚龍絕技來千里
竹石風流各一時
魚籥未收清夜永
蟹螯何不左手持
閑看書冊應多味
細琢歌詞穩稱聲
識君小異千人裏
顧蓋相歡一笑中

何人得似蘇司業
恨我不識元魯山
青綾衲衫暖襯甲
金花詔書錦作囊
而今憔悴一羸馬
豈復回顧雙雲鴉
一眼已盡西南碧
兩腳欲趁飛猿輕
老蠶作繭何時脫
病馬羸驂只自塵

芳草不鋤當戶長
落花如雪春風顛
詩書好在家四壁
天人幾何同一漚
十年不赴竹馬約
一杯付與羅浮春
呼吸湖光飲山淥
照耀金碧開烟曩
積德已是三世種
割肥方厭萬錢厨

初蘇集

卷上

虛名無用今白首
此行閒看古黃牖
青山有約常當戶
秋水爲文不染塵
大隱何曾棄簪組
談王正欲伴耕樵
留子非爲十日飲
風光不與四時同
若說峩眉眼前是
肯使細故胸中留

溪山勝畫徒能說
風雨留人得暫陪
蝸殼卜居心自放
玉堂揮翰手如飛
連娟六么趁蹋鞠
艷歌一曲回陽春
山高無風松自響
天寒欲雪飲此觴
鈴索不搖鐘漏水
玉堂正對金鑾開

四十五

憂患半生聯出處
風流二老對開關
功名誰使連三捷
饑飽終同廝一塵
後者無繼前無耦
清豪而妙苦而腴
坐卻秦軍發墨守
飽聽衙鼓跟黃紬
我在錢塘六百日
手植青松三萬栽

正平獨肯從文舉
汲黯本自輕張湯
詰曲猶能辨跟肘
巖徐不敢連尻脰
門外桃花自開落
井中車轄任浮沉
但空賀監杯中物
莫遣孫郎帳下看
總是鏡空堂上客
我從山水窟中來

衲蘇集

卷上

四十六

得意猶堪誇世俗
著書自要見窮愁
生事只看長柄械
白頭還對短燈檠
甚欲去爲湯餅客
何人生得甯馨兒
一行作吏人不識
日飲無何計亦良
畫圖未識先生面
得路方知異日心

相逢握手一大笑
我餘搜句百無功
每向銅人話疇昔
忽有麤生來座隅
獨留太白伴殘月
擬把斜紅插皂羅
舊聞草木皆仙藥
知向江湖拜散人
飛車跨山鵲橫海
霜葉投空鵲啣籬

何似秦郎妙天下
勸如太華當我前
好學憐君工襍擬
退耕何處有名田
勛名將相今何限
夢幻去來隨所遭
肝肺槎枒生竹石
飄落高下隨風花
勸子勿爲官所腐
知君欲以詩相磨

先向寒梅一傾倒
醉看參月半橫斜
未成小隱聊中隱
坐看花光照水光
天公與我兩厭事
使君高會百無憂
龍章鳳姿照魚鳥
紫袍玉帶真人
縱使先生能一石
更邀明月作三人

衲蘇集

卷上

四十七

異同不復疑三語
身世何緣得兩忘
隔花臨水時一見
參橫斗轉欲三更
遙想閉門投轄飲
別來紅葉黃花秋
提壺勸酒意雖重
救月裁詩語最真
觀書已獲千秋鏡
襪被真成一宿賓

功名誰使連三捷
物我終當付八還
閉門坐穴一禪榻
新詩說盡萬物情
多情明月邀君共
可意黃花是處開
欲過叔度畱終日
謬忝承明媿昔年
一舸鴟夷江海去
半丸犀壁浦雲泓

古鏡寶奩寒不動
露葉風枝曉自勻
回首不知沙界小
卷簾惟見白雲飛
西郊欲就詩人飲
東道無辭信使頻
到處溪山如舊識
此間風物屬詩人
上都新事常先到
下界寒醅亦漫嘗

枕麴先生應笑汝
灞陵醉尉誤誰何
君行適吳我適越
視民如兒吏如奴
豈惟鄴侯三萬軸
試滿莊生五石尊
輦路歸來聞好語
幽尋盡處見桃花
吳郡舊邦遺澤在
洛陽相君忠孝家

衲蘇集

卷上

四十八

我鑿西湖還舊觀
長與東坡作主人
兩歲頻爲山水役
一尊時對畫圖開
花枝不共秋欷帽
夢覺還驚屨響廊
醉翁詩話誰續說
老圃閒談未易欺
郎君不減王文度
生子當如孫仲謀

公心底處有高下
鴻飛那復計東西
三杯卯酒人徑醉
半熟黃梁日未斜
逐客不妨員外置
故人來炷影前香
千里勞君勤轉柁
一尊臨水記分攜
再拜十分爲我壽
千里一笑毋乃迂

汝南相從三晦朔
杖頭惟挂一胡盧
失路今爲憎等伍
著鞭從使祖生先
天籟遠兼流水韻
醒時與作嘯風詞
萬壑千巖背人境
五湖三島在胷中
贈行無物惟一語
此生有味在三餘

南郭清游繼顏謝

老松闕世臥雲壑

元龍本志陋曹吳

明月入戶尋幽人

從來白髮有公道

袖裏寶書猶未出

久與青山爲弟兄

琴中古義本常存

到後與君開北戶

碧葉叢低紅菽粟

洗心聊復寄東齋

井華水養石菖蒲

一家喜氣如春釀

勸子勿爲官所腐

數首風流似玉臺

此心實與香俱煮

肯爲徐郎書紙尾

下馬登堂面蒼黑

忽有麴生來坐隅

閉門愁坐紛墨朱

納蘇集

卷上

四九

無數天花隨麈尾

火前試焙分新勝

公家列屋閑蛾眉

廚裏霜齏倒舊罍

酒醒門外三竿日

東州趙叟飲無敵

散作人間萬竅風

洛下書生語更妍

六橋橫絕天漢上

宣勸不多心自醉

九華今在一壺中

酒杯雖淺意殊深

不獨三疏爲可慕

便向蛟龍覓雲雨

祇求五畝卻歸耕

如與鸚鵡語春秋

結習已空花不住

新曲從翻玉連瑣

勝游無礙腳殊輕

詔書行捧縷金牋

雲山得伴松檜老
城市不識江湖幽
共聽風鸞鳴鐵鳳
莫嗟天驥逐羸牛
龜趺入座螭隱壁
碧天照几風吹雲
高人讀書夜達旦
清溪繞屋花連天
無限芳洲生杜若
今朝毒酒泛黃花

衲蘇集

卷上

五十一

斜風吹帷雨注面
夜霜穿屋衣生稜
高士例須憐麴藥
使君先已洗尊罍
樂全老子今禪伯
龍眠居士本詩人
臺閣山林本無異
富貴榮華豈足多
雨過潮平江海碧
風高月暗水雲黃

強飲且爲山作主
一尊曾與子同攜
秋水蘆根看鶴立
朝鐘暮鼓驚龍眠
晴空仰見浮海蜃
野性還同縱壑魚
野廬半與牛羊共
青山忽作龍蛇盤
紙窗竹屋深自煖
白髯紅帶老不羶

吳客漫陳豪士賦
古來惟有謫仙詞
飛雪闔天雲拂地
清風弄水月銜山
紅頰曲眉應入夢
水軒花榭兩爭妍
此生初飲廬山水
好句真傳雪竇風
山人昔與雲俱出
福祿正似川方增

白酒微帶荷心苦
玉頰何勞獺髓醫
何人會得春風意
吟詩莫作秋蟲聲
惟留一諾待我畫
坐觀萬景得天全
起舞三人漫相屬
清風萬壑傳其言
春草池塘惠連夢
十千美酒渭城歌

衲蘇集

卷上

五十一

巧語屢曾遭薏苡
小詩端爲覓橙栽
得我新詩喜折屐
與君飲酒細論文
惘惘無華真漢吏
小詩有味似連珠
文字猶爲鱷魚戒
歸意已逐征鴻翔
四十年來同幻事
七千里外二毛人

欲窮風月三千界
數到雲峯第幾重
火急著書千古事
逢場作戲三昧俱
莫因老驥思千里
已約扁舟泛五湖
相逢一醉豈有命
爲言百事不如人
坎坷一生遭口語
處置六鑿須天游

脚扣兩舷歌小海
臥聞百舌呼春風
遠來無物可相贈
微中有時堪解紛
若對青山談世事
莫辭白酒瀉香泉
此地他年頌遺愛
後來太守更風流
太白應驚飯山瘦
莫紅猶戀屬車塵

笑指蜜蜂作檀越
但見野鶻盤浮圖
頭雖長低氣不屈
鵠則易畫虎難摹
顧我自爲都昵臊
知君一以詩驅除
有口難言不如睡
此心未老已先灰
野鷺家雞定誰美
牙兵部吏笑我寒

衲蘇集

卷上

酒酣箕坐語驚人
劍氣崢嶸夜插天
長江繞郭知魚美
銀葉燒香見客邀
居高志下真何益
難進易退我不如
十年揩洗見真妄
三朝出處其雍容
若說峨眉眼前是
只許腰肢背後看

五十一

鍾乳金釵人似玉
薰衣理髮夜不眠
紅燭照庭嘶驃裏
紫盃鋪粟盤龍茶
素纈分碧銀瓶凍
絳蠟燒殘玉笋飛
三吳行盡千山水
一詩換得兩尖團
綠棹紅船舞澎湃
野梅官柳任欹斜

紫雲有語君知否
馬上操筆爲賦之
三年不顧東鄰女
一念還爲李耳孫
曾活萬人非望報
不識五郎呼作卿
玉函寶方何用讀
尊羹羊酪不須評
題詩寄遠方揮翰
擊劍賡歌幾舉觥

試着芒鞋穿犂确
欲與慧劍加礪
勝概直應吟不盡
日長惟有睡相宜
清齋十日不然鼎
朱絃三嘆有遺音
便有佳名配黃菊
已教從事到青州
筆踪好在留臺寺
禮樂方將訪石泉

納蘇集

卷上

五三

知君頗有東山興
與世羞爲西子嚮
無數天花隨麈尾
更看橫翠憶蛾眉
金鼎轉丹光吐夜
玉堂給札氣如雲
門外桃花自開落
山前乳水隔塵凡
日飲無何足袁盎
地偏心遠似陶潛

功名誰使連三捷
天人幾何同一漚
自漉疎巾邀醉客
更將險語壓衰翁
高巖夜吐金碧氣
道人身在水晶宮
主人日飲三千客
江海相望十五年
相從杯酒形骸外
正好長松水石間

碧玉盃盛紅瑪瑙
金沙泉湧雪濤香
忘懷杯酒逢人共
無價青山爲我賒
無事會須成好飲
有子不爲謀置錐
羞爲毛遂囊中穎
莫示孫郎帳下兒
欲過叔度留終日
須信淵明是可人

一夜撚髭吟喜雪
三日開甕香滿城
應敵縱橫如急雨
清歌窈眇入行雲
須防額癢出三耳
瞭然正色懸雙眸
東風吹凍收微綠
初日滋露含嬌黃
居民蕭條禰麋鹿
村市謹呼聚獾猴

衲蘇集

卷上

五四

未知筆下鸚鵡語
且作人間鵬鷗游
到處不妨閉卜筮
憐君欲鬥小嬋娟
脫帽風流餘長史
解衣盤礴亦君恩
披扇當年笑溫嶠
卻掃何人伴敬通
十年且就三都賦
一壺能專萬事灰

眾裏笙竽誰比數
曾中雲夢自透遲
安心好住王文度
平生偏強韓退之
高會日陪山簡醉
後生試覓子淵才
知君善頌如張老
但使無多酌次公
不有君子何能國
誰信先先無此懷

事業已歸前輩錄
威聲又數中興年
妙語應須得山骨
流年自可數期頤
卜鄰尙可容三徑
盛事終當繼八蕭
乘桴我欲從安石
載酒無人過子雲
中郎不眠仰看屋
幼輿欲語防飛梭

枕上溪山猶可見
瓶中宮商自相賡
帷底昏花懸兩目
尙欲放子出一頭
烟花已作青春意
落蕊猶收蜜露香
請君多釀蓮花酒
跌坐一醉扶桑暎
賸買山田添鶴日
分無玉椀捧蛾眉

灑翻白獸尊中酒
春入西湖到處花
嗟我嗜書終日讀
問君久假何時歸
異時謹事東籬菊
逢人莫道北牕涼
是中惟可飲醕酒
此去未免勤鹽齏
宦游直送江入海
招詞閑詠桂生叢

衲蘇集

卷上

五十五

作詩雖未造藩閫
挂名爭欲刻碑陰
結交最晚情獨厚
富貴未已今方將
共喜鸚鵡歸禁籞
且看鴉鵲弄新晴
洞庭青草渺無際
甘山廬阜鬱相望
見之使人每自失
森然欲作不可回

淺斟杯酒紅生頰
夢繞千巖冷逼身
劍頭一吷何須角
頰上三毛自有神
飛塵漲天箭灑甲
絃管生衣甌有埃
身輕可試雲間鳳
清句更酬雪裏鴻
一軒高爲黃花設
萬里春隨逐客來

干戈未解身如寄
簪導輕安髮不知
書成自寫蠅頭表
醉倒正欲蛾眉扶
沈麝不燒金鴨冷
簾額低垂紫燕忙
香林乍喜聞簷蔔
歸路相將踏桂華
至道終當三洗髓
此別還同一轉車

衲蘇集

卷上

清談美景雙奇絕
逢年遇合百無憂
冷狀兩邦俱第一
將軍百戰竟不侯
定慧照寂非兩法
醜酬與酒同一卮
萬里烟波濯紈綺
一揮水墨光淋漓
其怪書生能破的
方將華省起彈冠

世間誰復如君者
造物將安以我爲
飽食不嫌溪笋瘦
手香新喜綠橙搓
翠浪舞翻紅罷亞
海風吹碎碧琉璃
踵門問道今時矣
上書求免亦何哉
目亂千巖散紅綠
手開西閣坐虛明

五十六

多情白髮三千丈
淨掃清風五百間
含風偃蹇得真態
落筆璀璨傳新詩
我願得全如苦李
人生何者非蘧廬
興來且作尋安道
卻掃何人伴敬通
要使謫仙迴舞袖
不知公子是監倉

棠棣並爲天下士
奮迅不受人間羈
人生不才果爲福
我本無家何處歸
十客相逢九吳語
兩山遙對雙烟鬟
成佛莫教靈運後
作詩猶似建安初
才疏正類孔文舉
後學過呼韓退之

衲蘇集

卷上

五十七

蘇子作詩如見畫
顏公食粥敢言炊
坐覺風雷生警效
天教桃李作輿臺
素與畫公心印合
須信東坡眼力長
餘事後來當潤色
一杯相屬更從容
白戰不許持寸鐵
老將猶思敗兩甄

左右羲軒詔神禹
吞吐風月清隅隈
風流豈落正始後
作詩猶似建安初
自笑方求三歲艾
我身已是一長亭
蚤歲已懷齊物志
先生可是絕俗人
自少多言晚聞道
平生偏強今心降

北海尊前捉私釀
老夫手裏有烏藤
卽且未必賢麋鹿
枯朽猶能出菌芝
雲山得伴松檜老
綫路每與猿猴爭
麻姑過君急灑掃
書生說食真膏肓
主人相顧一撫掌
少年不願萬戶侯

獨鶴不須驚夜旦
棲鳥何必戀舊林
合唱黃雞催曉曲
與作青州從事名
萬古無人知此意
五行勝已斯爲官
詩無定律君應將
花不能言意可知
酒如人面天然白
醉有真鄉我可俟

納蘇集

卷上

五十八

他日卜鄰先有約
與君到處合相親
江城白酒三杯釀
庭下黃花一醉同
壯心無復春流起
吟詩莫作秋蟲聲
婪尾忽驚新火後
歸心要及菊花前
到處聚觀香案吏
歸來只作水衡卿

夜雨何時聽蕭瑟
德星無復綴珠旒
綠牕朱戶春晝閉
烏紗白葛道衣涼
他日老人酬魏顥
旋看蠟鳳戲僧虔
空腸得酒匹角出
冷官無事屋廬深
我聊爾耳君其漫
糜之不可矧肯求

清風偶與山阿曲
明月不許幽人攀
無數雲山供點筆
滿江風月不論錢
忠文文正二大老
南山山寺徧題名
本自玉肌非鵲浴
說破星心如雞鳴
功名正是妨行樂
放曠不與趨朝衙

世事漸艱吾欲去
舜官不出意誰知
還將天竺一峯去
嬾作燕山萬里行
獨立千載誰與友
眼高四海空無人
我居其間嘯且諾
企而羨者蓬與蒿
笑語炎天出冰雹
新詩小草落元泉

衲蘇集

卷上

五十九

溪山勝畫徒能說
車馬敲門定不磨
詩無定律君應將
易可忘憂家有師
瓊林花草聞前語
太湖山水含清光
願我胸中有佳處
幾人林下是真休
莫把山林笑朝市
好將詩酒送流年

窮人未信詩能爾
美睡不知身在何
有田不歸如江水
挂冠而去真秋毫
翠鳳舊依山碑兀
風船解與月徘徊
烹不待熟指先染
筆所未到氣已吞
萬人鼓舞千人看
十年栽種百年規

便可先呼報恩子
誰能與語無言師
今人不復見此等
造物將安以我爲
晴牕曠日肝腸暖
窮年弄筆衫袖烏
水枕能令山俯仰
清泉長與世窮通
萬事早知皆有命
三年無日不思歸

紅稻白魚飽兒女
搗香餉辣入瓶盆
醉呼妙舞留連夜
器潔泉新表裏清
回頭自笑風波地
縮手敢試舟師篙
平生所談性命與
適意不異逍遙游
水底笙歌蛙兩部
歐倩腰支柳一渦

衲蘇集

卷上

六

扶剔根株窮脉縷
扶挈老幼相遮攀
元晏一生多臥病
遠公不出但聞名
如我之徒亦甚寡
此君何處不相宜
兩篇玉蕊塵初滌
一夜丹田手自摩
我生涉世本爲口
君看高節孰如雌

太守無何惟日飲
茲游奇絕冠平生
橫機欲試東坡老
換扇惟逢春夢婆
白傅閑游空誦句
沈郎清瘦不勝衣
醉翁詩話誰續說
侍臣茗椀得雍容
詩筆離騷亦時用
文章爾雅稱吾宗

樹頭啄木常疑客
月下吹簫獨自歸
獨鶴有聲知半夜
一燈如螢起微焚
野店初嘗竹葉酒
勸農曾入杏花村
龐公爲人不曲局
髯尹超然定逸羣
春秋古史乃家法
掖垣老吏識郎君

故國淒涼人事改
野鳥嚶戛巖花春
獨騎瘦馬踏殘月
正看歸鴻作小顰
花時千圃堆紅錦
別腸三夜繞朱弦
多事始知田舍好
思歸苦覺歲年長
偶與銅人話疇昔
舊聞石鼓今見之

納蘇集

卷上

空

人生安得如汝壽
此間不可無我吟
山頭望湖光潑眼
秋風吹雨涼生膚
老子從來興不淺
古人有之我願如
手香新寫法界觀
眼亂行看擇婿車
當年負圖傳帝命
何人作頌比嵩高

大杏金黃小麥熟
東華塵土北窗風
莫指癡腹笑空洞
欲將俗眼爲洗湔
時聞五斛賜蛾綠
也同千里送鷺毛
萬事會須咨伯始
五言今復擬蘇州
長疑安石恐不免
惟有桓譚道必傳

平生我亦輕餘子
冷淡誰能用許功
我亦從來識英物
如何爲人作豐年
風駕入朝常正色
一杯相屬更從容
南海使君今北海
硬黃小字臨黃庭
清風掃地收殘暑
明月入戶尋幽人

在家頭陀無爲子
小兒天台坐忘身
至今詩筆餘山色
坐覺天光照海涯
公退清閑如致仕
冷官門戶日蕭條
萬事思量都是錯
十年浪走豈非癡
願借垂蓮十分盞
爲欠梅花一首詩

納蘇集

卷上

六十一

太乙老仙閉不出
阿大中卽喜有餘
中酒落花飛絮亂
爛蒸香薺白魚肥
逢人欲覓安心法
自言親受方瞳翁
說客有靈慚直道
抱琴無語立斜暉
我書意造本無法
此詩有味君勿傳

飛翼自要先桃李
枯朽猶能出菌芝
新詩過與佳人唱
壯觀應須好句誇
偶還仗內身如寄
行徧天涯意未闌
祇園弟子皆鶴骨
城中樓閣似魚鱗
仕道固應慙孔孟
功名不必讀孫吳

弟子讀書喧兩廡
旁人大笑供干塲
已向詞臣得頗牧
挺然直節庇峨岷
詩人情味真嘗編
故國山水聊心存
且同月下三人飲
間道湖頭一丈高
豈無軒車駕熟鹿
時有沙戶祈春蠶

至人舊隱白雲合
數間茅屋蒼山根
莫學公榮不共飲
只有彌勒爲同龕
南郭清游繼顏謝
北牕幽人臥羲軒
晚歲與君同活計
人生何處是真依
水香知是曹溪口
山色豈非清淨身

衲蘇集

卷上

憑仗幽人收艾蒨
掃除白髮煩菖蒲
千金用盡終須老
雙鬢無端只自斑
雨餘北固山圍坐
手弄黃花蝶透衣
燈燼不挑垂暗蕊
傳柑歸遺滿朝衣
燈花結盡吾猶夢
霜柏威高道轉孤

褰衣步月踏花影
翠竹江村繞白沙
四鄰相率助舉杵
一絲不挂且逢場
未敢便爲雞黍約
勸君莫掉酒船回
世事漸艱吾欲去
俯首無言心自知
浮石已乾霜後水
松風猶作瀉時聲

六十三

何日揚雄一屨足
來作錢塘十日游
譽兒雖是兩翁癖
從公已覺十年遲
高士例須憐麴蘖
幽人先已醉濃芬
孤松早偃原非病
散木支離自得全
犀首正緣無事飲
先生少負不羈才

暫借垂蓮十分盞
莫負黃花九日期
會知名利不到處
還盡平生未足心
蓮子擘開須見憶
菊花有信不吾欺
原廟固應祠百世
筆端猶自斡千鈞
尙有殘梅一枝亞
已輸崖蜜十分甜

衲蘇集

卷上

布襪青鞋弄雲水
落花飛絮滿衣襟
從來只識陳驚坐
慙愧當年邴曼容
青邱已吞雲夢芥
白朮誰燒廚竈香
無鼻何由識蒼蒿
廈詞聊復託芎藭
未信犀首終無事
爲問鶴骨何緣肥

三休亭上工延月
子美尊前欲看花
青山有約常當戶
幽人無事不出門
白酒已盡誰能借
菊花有信不吾欺
老境安閒如啖蔗
清歌窈眇入行雲
漆瞳已照天人上
髯絲強理茶烟中

六十四

快馬爭風襪鳴珮
黃雞催曉唱玲瓏
拄杖敲門看修竹
擁褐坐睡依團蒲
先生食飽無一事
淥漲晴來已十分
酒醒不覺春強半
室邇何妨入自遙
萬事早知皆有命
三年輒去豈無鄉

西省鄰居時邂逅
北牕高臥等羲炎
亦知謝公到郡久
肯爲蘇子浮江來
蠶市光陰非故國
龍飛甲子盡豪英
舉世皆同吾獨異
今我不往行恐遲
細觀如以指畫肚
瘦生應爲語雕肝

衲蘇集

卷上

慙媿冒寒髯御史
來看嗜酒謫仙人
已知麋豹爲均死
往與屈賈湔餘哀
百丈深潭數魴鯉
文昌新搆滿鷓鴣
聞道新春恣游覽
借君妙語發春容
終閉玉闕辭馬武
空吟冰柱憶劉叉

六十五

三館曝書防蝨毀
百重堆案掣身閑
白傅閑游空誦句
小馮慈愛且當門
風花悞入長春苑
雲雨休排神女車
鳳雛驕子生有種
丹砂紫膚不用塗
天上列星當亦喜
水下寒魚漸可叉

惟有長身六君子
終了無生一大緣
堪笑錢塘十萬戶
尙餘君子六千人
無錢種菜爲家業
終日吟詩愁肺肝
得郡江南差可喜
幾人林下是真休
此身正似蠶將老
暮年惟有竹相娛

自逢半夜安心後
都在東坡掌握中
蕩搖浮世生萬象
辜負名花已一年
乃使駉驥隨蹇步
更看龍蛇落筆痕
與君相從非一日
謂我好尙如當年
通家不隔同年面
大杓更取酸生涎

納蘇集

卷上

六十六

素琴濁酒容一榻
連山絕澗開重帷
暴雨過雲聊一快
狂歌對飲只三人
半雨半晴寒食夜
江南江北青山多
恨無揚子一區宅
不見恬侯萬石時
長安小吏天所放
阿大中郎喜有餘

舊因菹菜求長假
直爲鱸魚也是賢
醉飲謹呼覺船重
吳音嬌奕帶兒癡
芳草不鋤當戶長
櫻桃爛熟滴階紅
勩勞至大不矜伐
興來取次或成歡
獨鶴不須驚夜旦
千花未分出梅餘

有酒醉君仍飽德
作詩寄子誰當聽
如君相待今安有
顧我衰遲不足論
每逢佳境攜兒去
憑仗新詩與寫成
韓生自言無所學
揚雄他文皆不奇
溪光自古無人畫
詩句明朝萬口傳

波平風爽望不到
身輕步穩去忘歸
分無素手簪羅髻
猶喜朱顏映黑頭
江風初涼睡正美
清香不斷思何窮
試碾露芽烹白雪
且折霜粳浸玉醅
遙憐澤畔行吟者
寄語庵前抱節君

納蘇集

卷上

六十七

黃金可成河可塞
離南爲室坎爲家
不知庾嶺三年別
又試曹溪一勺甘
何日五湖追范蠡
羸糧萬里尋初平
山下黃童爭看舞
草間秋蟲亦能歌
詩成捧腹便絕倒
我欲挽肩纔覺難

童子遙知頌襦袴
使君應欲候農桑
北園草木憑君問
江西山水眞吾邦
過我三間小池閣
待看千尺舞霜風
豈弟君子神所予
隱居求志義之從
遙知別後添華髮
已向閑中作地仙
年來齒髮老未老
一氣混淪生復生
肉芝烹熟玉芝老
黃河流駕紫河車
三山舊是神仙地
一丹休別內外砂
世間誰似老兄弟
海上知復幾往還
豈不懷歸畏嘲弄
君方論道承華勳

昔號剛強今亦頗
我生孤僻本無隣
分光御燭星辰爛
舊踏松枝雨露新
散盡黃金猶好客
歸來杏子已生人
千古華堂奉君子
三軍喜氣鑠飛花
此去澄江三萬頃
淨掃清風五百間

醉中不覺風吹面
夢裏猶驚翠掃空
風定軒牕飛豹腳
睡餘齒頰帶茶香
空咏聯珠吟疊璧
半縈春蚓縮秋蛇
吏能淺薄空勞苦
勝事傳說誇友朋
每逢佳境攜兒去
不用山僧導我前

納蘇集

卷上

六十八

論心無數今有幾
妙意有在終無言
連娟六么趁蹋鞠
笑領百罰空疊尊
誰言萬里出無友
作者七人相對閒
我願得全如苦李
餘生所託誠棲槎
久參白足知禪味
且覓黃精與療飢

恣傾白蜜收五稜
豈意彤庭綴兩班
恨無負郭田二頃
真有人家水半扉
只有天公真可倚
未妨明月卻當空
詩成錦繡開胸臆
喜動鄰里烹猪羊
嘲吟草木調蠻獠
爛熳黍麥蘇惇鰥

盧子不妨從若士
薛宣真欲更朱雲
高論無窮如鋸屑
小詩未忍著搏磨
蜜蜂採花作黃蠟
蒼鼠奮髯飲松腴
文字鬱律蛟蛇走
野鳥嘍戛巖花春
仙宮去人無咫尺
白鶴時來訪子孫

衲蘇集

卷上

飛樓百尺照湖水
高節萬仞凌首陽
紅妝執樂三千指
組練長驅十萬夫
至人舊隱白雲合
山雨忽來修竹鳴
風枝露葉如新採
千花百草爭含姿
紙落烟雲供醉後
睡餘齒頰帶茶香

登山刻石頌功烈
賣薪買酒看昇平
中興天爲生耆耇
歲晚人誰念此翁
醉裏自書醒自笑
得時何喜失何憂
游人尋我舊游處
古器雖在無古弦
山人睡覺無人見
在家學得忘家禪

四九

長松吟風晚雨細
野水清滑溪魚肥
只有詩人被磨折
不妨尊酒寄平生
遙知千騎出清曉
起觀萬瓦鬱參差
君去苦早我來暮
得坎且止乘流浮
近來每覺世議隘
老去方知此味長

早歲聞名晚相得
字外出力中藏稜
乞取千篇看俊逸
笑領百罰空鬢尊
明朝知覆誰家甌
到處應然無盡燈
行樂及時雖有酒
急流勇退豈無人
烈士家風安用此
偉人謀議不求多

初蘇集

卷上

七十一

道人應怪游人眾
一庵且作兩庵看
呼吸湖光飲山綠
卷藏天祿包石渠
貧無隙地栽桃李
篋有殊珍勝象犀
應敵縱橫如急雨
落筆璀璨傳新詩
詰曲猶能辨跟肘
文章自足欺盲聾

牽衣男女繞太白
一笑江山發醉紅
風流吾子真前輩
卷畫溪山指後期
心知其非口諾唯
我醉欲眠君罷休
我本無家更安往
遇所得意終年留
自言靜中閱世俗
時於醉裏得天全

六朝興廢餘却攏
百神奔走會風雲
百里雙罽遠將寄
千枝萬葉巧剪裁
海螯要共詩人把
山瓢畱待羽仙嘗
數弦已品龍香撥
玉頰何勞獺髓醫
治狀兩邦俱第一
公廚十日不生烟

便可先呼報恩子
不妨閒過左阿君
無情有意兩莫測
耳冷心灰百不聞
覺來俯仰失千劫
醉翁賓客散九州
雨餘北固山圍坐
挂起西窗浪接天
兩腳慣曾行犖磽
十年身不到朝廷

衲蘇集

卷上

七

道人絕粒對寒碧
小房曲檻畝深紅
勤把鉛黃記宮樣
強扶衰白拜君嘉
坐覺風雷生警欬
勢與泰岱爭雄尊
一篇向人寫肝膽
四十豈不知頭顱
彭澤漫知琴上趣
季鷹真得水中仙

此景何殊泛清雪
避人聊復去瀛洲
吾儕一醉豈易得
作者七人相對閒
猶喜諸郎有曹植
不辭中路候淵明
未能飛瓦彈清角
獨稱觀瓶居井甃
火色上騰雖有數
虎頭食肉更何人

使君已復冰堂酒
遷客來從飯顆山
羨君美玉經三火
妙句鏘金和八鑾
年來齒髮老未老
江上松楠深復深
江上飛雲來北固
世間馬耳射東風
幽人隱几寂無語
短檠照字細如毛

如君事業真堪用
知我疎慵肯見原
舊賞未應忘楚國
前生我已到杭州
歸來晚歲同元亮
已弔嘉辰壽阿同
侍臣鵠立通明殿
白髮羞歸供奉班
便因行樂合投甲
誰信儒冠也捍城

衲蘇集

卷上

跪履數從圯上老
夜燈勤禮塔中仙
相逢握手一大笑
與君登科如隔晨
太守無何惟日飲
主人休問是誰家
荔子已丹吾髮白
江山猶是昔人非
寂寞陶潛方止酒
平生賀老慣乘舟

寂歷疎松欹晚照
招呼明月到芳尊
他日曾陪探禹穴
要予臨老識方壺
風流文采磨不盡
唱酬往復字應漫
振旅歸來還侍宴
將軍競病自詩鳴
玉殿齊班容小語
鏡湖勅賜老江東

七十二

散盡黃金如轉燭
老來光景似奔輪
記取和詩三益友
要分清署一壺冰
翠鬟女子年十七
白髮先生杖百錢
老盡世人非我獨
風流他日與君同
世上功名何日是
此中草木亦長閒

風花悞入長春苑
丹青化出大槐宮
目淨東溪照清泚
勢與泰岱爭雄尊
南海使君今北海
種秫作酒不種秔
中路已覺商羊舞
楚人休笑沐猴冠
與君合奏芳春調
每到先看醉墨痕

衲蘇集

卷上

臨風有客吟秋扇
舞雩何日著春衣
花似今年人老矣
意在萬里誰知之
想見新茶如潑乳
歸來杏子已生仁
使君不獨東南美
送客今朝西北風
小詩屢欲書牕紙
大旆遙聞載酒過

倦客再游行老矣
維摩丈室故翛然
世事漸艱吾欲去
主人有酒君應留
早歲歸休心共在
茲游淡薄歡有餘
不獨清心能省事
應須極貴又長生
落筆縱橫飛小鳳
青山偃蹇如高人

七十三

長篇細字遠相寄
晚節孤風益自奇
浮空兩竹橫南閣
閬苑千葩映玉宸
山腰自懸蒼玉佩
電光時掣紫金蛇
幅巾不擬入城市
寸筵何以得春容
聞道攜壺問奇字
時叨送米續晨炊

宦游到處身如寄
俯仰歸來鬢未華
萬竈燒松何處使
兩螯斫雪勸加餐
我生本自便江海
與子不妨中聖賢
爲散冰花除熱惱
盡教霜樹發春妍
兩邦旌纛光相照
四體銀鈎跡尙青

衲蘇集

卷上

畫地爲餅未必似
與天作石來幾時
風來震澤帆初飽
春到江南花自開
笑指浮休百年宅
飄然雲水一孤僧
孤舟出沒煙波裏
處士風流水石間
使君尙許分池綠
小牕相對爲研丹

游仙夢覺月臨幌
亂山環合水侵門
也知堆案文書滿
終把雲山爛漫酬
眼淨塵空無可掃
水清石瘦便能奇
兩卮春酒真堪羨
百斛明珠便可扛
二君年少兩豪逸
萬里春前一酒壺

七十四

官事無窮何日了
年來已覺此生浮
未許相如還蜀道
長使宋玉作楚詞
瓊林花草聞前語
瑞霧香風滿後塵
尙有清才對風月
應須爛醉答雲煙
君當置酒我當賀
我作水衡君作丞

雨收九陌豐登後
日照三山邈迤開
顧我虛名但箕斗
與君竝直記初元
此去若容陪坐嘯
不才何以助精禋
詩成畫燭飄金燼
老怯香泉灑寶樽
莫歎郎潛生白髮
歸來金帛看頰肩

補蘇集

卷上

此叟神完中有恃
天馬性在終難羈
汝輩何曾堪一笑
吾儕豈獨坐多言
飲中真復有何好
天下誰肯從我歸
君亦洗心從佛祖
覺來滿眼是湖山
聞道吹噓借餘論
不知肝膽非一家

看花走馬到東野
浩歌長嘯老斜川
霧帳銀床初破睡
珠幢玉節與排衙
削成山東二百郡
漲起西江十八灘
回顧驚君珠玉側
此身同寄水雲間
玉殿齊班容小語
蒯緱彈鋏詠新詩

七十五

黃門寡好心易足
青松合抱手親栽
老去山林徒夢想
歸來車馬已喧闐
我願銅山化南畝
絕勝倉公飲上池
一夢分明墮鄉井
十年江海寄浮沈
上書挂名豈待我
仄席求人少似今

扁舟去後花絮亂
朱顏減盡鬢絲多
醉裏自成欹雪舞
夢中時見作詩孫
後來視今由視昔
我初無行亦無留
惘惘無華真漢吏
知非不去慙衛蘧
南屏老宿閑相過
東坡醉熟呼不醒

衲蘇集

卷上

平生多難非天意
到處相逢是偶然
生事只看長柄械
天寒猶著薄羅裳
酒如人面天然白
心似鷺蠶未易眠
我嘗好之每自笑
氣固多習獨此偏
人笑年來三黜慣
眼看時事幾番新

醉飽高眠新事業
隨身孤影舊知聞
詩人借車無可載
使君置酒莫相違
劍舞有神通草聖
爐灰重撥尙餘熏
海螯要共詩人把
老鶴來乘刺史轡
其把鷺兒一尊酒
更待江南半月春

七十六

紅袖漫插曹綱手
黃髮聊知子建心
未應愚谷能畱柳
莫向長沮更問津
世所奔趨我獨棄
酒無多少醉爲期
火急著書千古事
經營身計一生迂
收拾餘香還畀昊
掃除習氣不吟詩

